

B V D A E I

QVÆDAM DE MONE
ra Græca, ad Gallicam pecuni
am æstimata.

MINA Græca, Drachmas centum conti
nens, Gallico ære æstimari potest xvij.
Francicis, & x. Solidis Turonensibus.

Stater, aureus Atticus, qui fuit pondere Vn
ciali, par erat ualore Minæ Græcæ.

Drachma, pars Minæ fuit centesima, & ua
luit tres Solidos, cum sex Denariolis Tu
ronensibus.

Didrachmum, quinquagesima pars Minæ
æstimari potest ære Gallico septem Soli
dis Turoneñ.

Bos, pecunia Attica, similiter septem Soli
dis æstimari potest, quia Didrachmus
erat. Hinc illud Adagium, Bos in lingua.
Et, quod eiusdem sententiæ est, Bos lin
guæ insidet.

Tetradrachmum, xxv. pars Minæ, æstima
tur xiiij. Solidis Turoneñ.

Stater argenteus apud Athenienses, quia
Tetradrachmus erat, eiusdē ualoris fuit.

Siclus item, Hebræorum pecunia, eiusdem
ualoris fuit, nempe xiiij. Solidis.